

Peba in Jolok Mennin Aikuj ko Ekkā ikijen Medicaid eo an Oregon ilo 2022-2027 im OHP ilo Jeklaj

Ta in juon kōmelim in jolok mennin aikuj ko ikijen Medicaid?

Medicaid ej juon burokraam an state im federal. Juon state aikuj kateruru ñan kōmelim in jolok mennin aikuj ko ippān Medicaid ilo ien eo ej ekōnaan kōmman oktak ko ñan melele in kajinet ko ekkā an federal. Oregon Health Plan (OHP), burokraam in Medicaid eo an Oregon, ej lelok jibañ in taktō ñan armij ro edik kolla ko aer. Juon state emaroñ kajotōk kōmelim in jolok mennin aikuj ñan jot kakien ko ñan an lablok an bidodo laajrak kein im men ko jot relablok:

- Wōn eo emaroñ tōbrak ñan Medicaid
- Ta jibañ ko rej bōki
- Ewi wāween aer lelok jibañ in ejmour ñan ro uwaan Medicaid

Wūnin bar kōkkāāl kōmelim in jolok mennin aikuj ko (einwōt ad jelā ej [1115 Melele](#)) ej ñan ukōt burokraam in Medicaid eo an state bwe en emmonlok an jibañ armij ro uwaan doulul in ad. Ilo Jebtomba 28, 2022, Jikin ko rej lelok Jerbal in Jibañ ko an Medicare im Medicaid rar lelok kelet ko aer aliktata ñan Oregon kin oktak ko remelim ilo Oregon Health Plan. Elab oktak ko renaj jino ilo 2024, im jot renaj jino ilo 2023.

Kōtōbar ko an 2022 – 2027 Kōmelim ñan Jolok Mennin Aikuj

Lale kalijeklok ikijen ejmour ej kōmadmōd eo kein kajuon ilo kōmelim in jolok mennin aikuj eo an Oregon. Enaj kōlablok melele ko maanlok kin madmōd ko rekajur an Oregon ilo taktō im kōmaan woñmaanlok ikijen kōtōbar ko ad relab:

- Kōmman bwe kein jermal eo an taktō en lablok an ejellok kalijeklok im lelok jibañ ko rekkār ñan manit- im kajin
- Lolorjak an armij maroñ kejbarok injuran in taktō ko aer
- Kōkmanmanlok jemlok ko ikijen ejmour ilo aer lale aikuj ko an armij ro ilo jikin im rejab jibañ ejmour
- Lolorjak an emmon im bidodo wāween kolla onean an ejellok kalijeklok ilo taktō

Ta eo ej Oktak ilo 2022 – 2027 Kōmelim in Jolok Mennin Aikuj

Kadeloñ Āt

Woñmaanlok an deloñ etan ajiri ilo OHP jen ien aer lotak mae ien kemem eo aer bwe en jiljino aer yiō. Melelein mennin enaj wōr an ajiri ro injuran in taktō mae ien eo enaj jiljino aer yiō im remaroñ woñmaanlok wōt in taktō ippān taktō ro aer iomwin ien eo aitōklok, im mennin ej kōmman an emmonlok aer ejmour.

Woñmaanlok ilo ruo yiō ñan an deloñ ettaer ilo OHP ñan ro jilino aer yiō im rūttolok, jekdoñ ñe enaj wōr oktak ilo kolla ko aer. Eloñ armij ro rej luuji injuran in taktō ko aer ippān OHP rejab maroñ tōbrak iomwin ien kadu innem rej bar kobalok ippān OHP. “jermal im bōjrak” in ippān OHP ej kōmman an nanalok ejmour.

Ta melelein mennin ñan ro uwaan OHP

Ro uwaan OHP enaj wōr aer injuran iomwin ien aitōklok. Ilo ien in, ro uwaan doulul eo rej aikuj bar kadeloñ ettaer aoleb yiō, im renaj luuji injuran eo aer elañe ewōr oktak ilo aer maroñ tōbrak (einwōt juon oktak ilo kolla). Iomwin kōmelim eo ekāāl, ro uwaan doulul eo ejab aikuj ikūt aer bar kadeloñ ettaer, im oktak ko ilo aer maroñ tōbrak iomwin jidik ien ebañ kōmman aer bed ilo OHP.

Aikuj ko an Armij

Jerbal in jibañ ko renaj lelok ñan kajojo armij im baamle ro rej abañ in kōtōbrak aikuj ko aer. Ilo ien an lab oktak ko ippān armij, einwōt deloñ ak diwōj jikin imōn kalbuj, ak luuji mweo mweir, ekkā aer jab maroñ taktō ippān taktō ro aer, im ekōmman an nana lok jemlok ko ikijen ejmour.

Ñan jibañ ro uwaan doulul eo bwe en wōr wōt aer injuran, bed wōt ilo aer kebaak wōt taktō ro aer, im bed wōt ilo ejmour, Oregon ekōnaan lelok jerbal in jibañ ko ñan ro uwaan doulul eo ilo ien aer ioone kain makūtkūt kein kin jerbal in jibañ ko einwōt ad jelā rej bar aikuj ko an armij ikijen taktō.

Ekkar ñan jekjekin oktak eo, mōttan ko an aikuj ko an aikuj ikijen taktō remaroñ koba jerbal in jibañ ko ikijen:

Mōn Jokwe

Jiban ko ikijen imōn jokwe emaroñ koba juon ak lablok jen juon mottan ko laajrak:

- Jiban kin reen ak imon jokwe ikotaan ien (einwōt, kolla in onean reen, deposit ko, jibañ kin jarom) lok ñan 6 allon
- Oktak ko ñan imōn jokwe (einwōt, raam, kein dābdeb ko, oktak ko ñan mejatoto)
- Jiban ko ikijen aer bok juon jikin jokwe maanlok (einwōt, ablikajon nan imon jokwe, jiban ikijen emakut, im men ko jot)
- Kein kajinet ikijen imōn jokwe im/ak menija in keij

Jibañ in mōñā

Jiban ko kin ōn emaroñ koba juon ak lablok jen juon mottan ko laajrak:

- Kakobaba ko ñan mennin jibañ ko ikijen mōñā ilo jukjukinbed (einwōt, jibañ kin ablikajon ñan SNAP im WIC)
- Katak kin ōn in mōñā im kōmat
- Peba ko ñan ebōk mōñā in leen wojke fruit im vegetable ko (lok ñan 6 allon, einwōt ad bar jelā VeggieRX) im bok/mōñā ko remmon ñan ejmour
- Emoj kojejjot ekkar nan naninmij mōñā ko rej bokwaj

Kejbarok jen mejatoto ko renana

Jiban ko emaroñ koba juon ak lablok jen juon mottan ko laajrak:

- Kolla nan kein jerbal ko rej kejbarok joñan bwil ko remmon im mejatoto erre, ekoba kein kamololo, kein komaanan, kein liklik ettoonon ko mejatoto im injin in jarom ko nan komadmode kein jerbal ko ilo ien enaj kuñ jarom

Woñ eo emaroñ tōbrak ñan jerba in jibañ ko an armij ikijen taktō

Kumi ko remaroñ tōbrak in bōke jerbal in jibañ ko iomwin juon kōmelim jolok mennin aikuj rej laajrak:

- Jodikdik ro ewōr aer aikuj in nañinmij ko rej make wot 19 - 26 aer yiō

- Jodikdik ro rej bed iomwin opij eo ej lale ejmour im ainemmon eo an ajiri, ekoba emakut jen kejbarok eo an foster ilo ien 18 aer yiō
- Armij ro rej ioone an ejellok mweir ak rebed ilo uwōta ñan an ejellok mweir
- Lillab im lollab ro ewōr aer injuran in taktō in Medicaid im Medicare jimor
- Armij ro rej diwōj jen jikin im armij ro emoj kakien an wōr ej bōk eddoier
- Armij ro rej bed ilo uwōta kin jorrān in mejatoto ko relab aer nana

Ta melelein mennin ñan ro uwaan OHP

Ro uwaan OHP im rej ioone jot abañ ko ilo mour enaj wōr jibañ ko ikijen imōn jokwe im ōn ñan aer ejmour ilo ien ko rej ioone an lablok joñan aer aikuj.